

ÅRSMELDING FOR MJØMNA SOKN 2019

Sokneråd og tilsette

Mjømna sokneråd: Bente Haugen (leiar), Anne Ytreøy (nestleiar), Kjell Kversøy, Kristin Mjanger, Inger Alise Einebærholm

Varamedlemmer: Sølvi Ann Oddekalv, Arve Mjømen, Mina Andreassen, Ann Helen Birknes.

Fellesrådet: Kjell Kversøy og Inger Einebærholm. Vara: Kristin Mjanger og Anne Ytreøy.

Soknerådet har hatt 6 møte, der to har vore fellesmøte med dei andre sokna. I tillegg har ein hatt nokre meir uformelle kjøkkenmøte. Det har vore eitt soknemøte (årsmøte).

Kristin Mjanger har vore kyrkjetenar, men søkte permisjon frå 1. mars. Då overtok Peter Jobbagy og Katalin Jobbagyne Garda denne jobben. Klokkartenesta har vore basert på frivillige i soknet, og dette får soknerådet betalt for. Denne ordninga gjev oss betre økonomi til å få gjort ting vi ønskjer, så det er flott dersom fleire kan melde seg til denne tenesta.

Val av nytt sokneråd og nye sokneutval

Valet 9.september blei gjennomført i høve til den nye soknestrukturen som

Kyrkjerådet godkjende som ei prøveordning i valperioden 2019-2023.

Det var 8 namn på listene, og dei to som fekk flest stemmer blei medlemar i Gulen kyrkjelege råd, GKR, med dei tre neste som vara. Sokneutvalet består av alle som stod på lista til soknerådsvalet. Sokneutvalet fungerer som eit rådgjevande organ og eit samarbeidsorgan for presten / kyrkjelege tilsette i soknet sitt. Informasjon og samarbeid med Gulen kyrkjelege råd, som gjer alle formelle vedtak, vert ivareteke gjennom dei som er medlemar begge stader. Når det gjeld Gulen kyrkjelege fellesråd består det av medlemane i soknerådet (GKR), med tillegg av kommuneoppnemnt representant, som er Odd Harald Eide. I tillegg er presten, oppnemnt av prost, medlem i GKR/ GKF og har møterett i sokneutvala. Leiar i Gulen kyrkjelege råd/fellesråd er Åse Haugen med Kåre Sigurd Krakhella som nestleiar.

Mjømna sokneutval:

Bente Haugen, leiar, Anne Kristine Evjenth Ytreøy, nestleiar, Mina Andreassen (Anne Ytreøy og Mina Andreassen er medlemar i GKR/ GKF), Sølvi- Ann Oddekalv, Arve Harald Mjømen, Erene Oddrun Wilberg, Heidi Rosseland og Gunnlaug Oddny Birknes.

Prestesituasjonen i 2019

I 2019 har det vore ein noko uvanleg situasjon i Gulen, då det etter at Jens Linde reiste i januar ikkje har vore fast tilsett prest. Fram til og med påske blei prestenesta dekket av Børge Ryland, medan den etter det har vore delt mellom Bjørn Magne Hansen, prest i Solund, og Geir Sørrebø som er pensjonert prost. Bjørn Magne Hansen har i hovudsak tenestegjort på Mjømna, medan Geir Sørrebø har dekket Gulen og Brekke. Når det gjeld konfirmantararbeidet så har det blitt ivareteke av Helle Kartveit som jobbar i NMSU, og konfirmantprest har vore Ola Johannes Jordal, Alversund. På slutten av året blei Per Børge Hillestad tilsett som ny prest, med oppstart i tenesta etter påske i 2020.

Gudstenester og kyrkjelege handlingar

Det var 20 gudstenester i Mjømna sokn, 4 av dei i Byrknes bedehus/kapell. I tillegg har det vore ei gudsteneste i samband med ein tur til Husøy i Solund. I snitt har det møtt 37,95 personar på gudstenestene. På 14 av gudstenestene var det nattverd, med 11 deltakarar i snitt. Det har vore 6 dåp, 6 vigslar og 9 gravferder. Det var 5 konfirmantar i soknet.

Barne- og ungdomsarbeid

I soknet har vi personar som driv faste tilbod for barn og unge: Barneforeining og Yngres. Det er eit viktig arbeid, og det er alltid lettare å få deltakarar på det som går føre seg lokalt. Det har vore arrangert filmkveld på bedehuset i eit samarbeid mellom Yngres og leiaren for trusopplæringa.

Også i år vart borna inviterte til juletrepynting i kyrkja, denne gongen leia av soknerådet. Det vert delt ut dåpslys i samband med dåpen, 4- og 6-åringar får bok, og alle 6-åringar får eit årsabonnement på søndagsskulebladet Barnas.

Diakoni, kyrkjemusikk og misjon

Det har vore 9 andakter/ eldretreff på Byrknes Alderstun. Her er det andakt, song, kaffi og kaker og eit lite åresal. På nokre av desse har konfirmantar vore med. Pengane som kjem inn skal gå til utstyr som er "kjekt å ha" på Tunet.

Den tradisjonelle julekonserten gjekk av stabelen i kyrkja den 15. desember. Som vanleg var det skulemusikken, Øyklang og elevar frå musikkskulen som stod for musikken. I år var det i tillegg barnedåp på konserten, så den blei å rekne som ei litt forkorta gudsteneste.

Haustfesten 2018 måtte utsetjast p.g.a. ombygging av kjøkkenet på bedehuset. Den vart i staden arrangert som Nyttårstrall i januar 2019. Her var Geir Sjørebø med oss. I oktober vart årets haustfest arrangert. Helge Taranrød, prost i Nordhordaland, var vår talar/ kåsør, noko som var veldig kjekt.

I juni vart det arrangert ein kyrkjelydstur til Husøy i Solund, der både den gamle og den nye prosten deltok på gudstenesta. I juni fekk Mjømna sokn òg vere med på den årlege kyrkjelydsturen til Solund. Denne gjekk til Masfjordnes.

Kyrkje, gravplass og økonomi

Det er kjøpt inn eit bord til kyrkjekaffien bak i kyrkja, noko vi har snakka om i fleire år. Ute er det komen ny vasspost framfor kyrkja. Fellestrådet kjøpte inn, og Kjell Kversøy monterte han.

Dei gravene som var våte forrige år, er no blitt mykje betre. Dreneringsrøyra er spylte for å ta unna vatnet, men ein må vurdere vidare om dette fungerer tilfredsstillande.

Soknerådet hadde dugnad på kyrkjegarden og i kyrkja før konfirmasjonen.

Dåpssakrestiet er under utbetring, og vi håpar dette skal bli i orden i løpet av 2020. I tillegg vert det jobba med ein ny rullestolinnegang i kyrkja.

Mjømna sokneråd hadde eit positivt driftsresultat på kr 17.410,70., med eit rekneskapsmessig overskot på kr 3.409,70. Innsamla midlar på eldretreffa på kr 14.090,00, er avsett på bunde driftsfond som skal brukast på Tunet. Det kom inn kr 41.088,00 på offer i kyrkja. Kr 19.709,00 av dette var til eige arbeid. I tillegg kom fasteaksjonen med kr 4467,00.

Årsmeldinga er avgitt i samarbeid med soknerådsleiar Bente Iren Haugen, leiar 2019
Lagt fram for Gulen kyrkjeleg råd til godkjenning.

Eivindvik 09.03 2020

Ingunn Sognnes

Kyrkjeverje Gulen